

Gvangjsih Minzczu Bau

Cawjguen: Gvangjsih Bouxcuengh Swcigih Minzczu Cunghgyau Swvu Veijyenzei

Cawjbanh: Gvangjsih Minzczu Bause

Geiz neix 8 banj

广西民族报

Aenhauh okbanj: CN45-0036

B.2023

Nd.11 Ng.8

Liggaeuq gvejmaux nienz ndwengouj ngeihhaj

Geizsoq: Gungh daih 3596 geiz

Gaiq Daih'it Daengx Guek Hagseng(Bouxcoz) Yindungvei Haimuq Hoenghhwd

Cinz Yizginz Camgya Caemhcai Senhbu Haimuq

Liuz Ningz Vaiz Cinbungz Gangjvah Gauh Cidanh Ah Dungh Sunh Daveij Mung Yangz Camgya Lanz Denhliz Cujciz

第一届全国学生(青年)运动会隆重开幕

谌贻琴出席并宣布开幕

刘宁怀进鹏致辞 高志丹阿东孙大伟孟扬出席 蓝天立主持

11 nyied 5 hauh, Gaiq Daih'it Daengx Guek Hagseng(Bouxcoz) Yindungvei youq Gvangjsih Bouxcuengh Swcigih Nanzningz Si haimuq. Gozvu veijyenzei Cinz Yizginz camgya haimuqsik caemhcai senhbu haimuq.

5 hauh banhaemh, Gvangjsih Dijyuz Cunghsinh diyyuzcangz daeng migyanyan. 20 diemj, yozcinghvei haimuqsik hainduj, faen diyyuz yizsiz, comzyienj vwnzdij song bouhfaenh. Gwnz haimuqsik, Gvangjsih Bouxcuengh Swcigih Dangjveij suhgi Liuz Ningz daiyauj mbiengi ciepbanh gangjvah, Gyauyuzbu buchang Vaiz Cinbungz daiyauj Gyauyuzbu, Guekgya Dijyuz Cunggiz, Gungcinghdonz Cunghyangh sam aen danhvei cawjbanh gangjvah. Guekgya Dijyuz Cunggiz gizcangj Gauh Cidanh, Gungcinghdonz Cunghyangh Suhgicu suhgi daih'it Ah Dungh, Gvangjsih Bouxcuengh Swcigih Cwnghz cajsiz Sunh Daveij, Gozvuyen fumisuhcangj Mung Yangz camgya haimuqsik. Gvangjsih Bouxcuengh Swcigih Cwnghz cajsiz Lanz Denhliz cujci haimuqsik.

Liuz Ningz mwh gangjvah naeuz, aen Dangj-cunghyangh aeu Siz Ginbingz dungzci guh vaedsim haenx gyau gaiq nduj yozcinghvei hawj Gvangjsih ciepbanh, neix dwg gvansim caeuq saenq ndaej Gvangjsih lai. Gvangjsih giendhing yungihu "song aen dinghlaeb", dingjmaenh guh daengz "song aen henho", nyinhcaen gvancez doeksaed gij lwnhgangj youqgaenj mizgven gyavaic hwnqguh aen guek ak gyauyuz, aen guek ak diyyuz Siz Ginbingz cungj-suhgi, doeksaed gij anbaiz baijbouh mizgven doinyoengx diyyuz gyauyuz yungzhab Dangj-cunghyangh, Gozvuyen, cietsaed rapdawz mbaqrap cwngei naek banh ndei gaiq nduj yozcinghvei, doeksaed gij leixniemh banh doxdax "saekloeg, caezyiengj, haicuengq, seuqcengh" caeuq gij iugouz banh doxdax "genjyoz, ancienz, ndeiawj", doedok gij rengzhoengh, gij seizdaih, gij majhung, daengx gih gwnz laj caez dungyenz, ndawbiengz gak gyaiq caez caeuqfaenh, caez daeuj doxdax, caez coengh banh hoihhoengh diyyuz, haenqrengz banh ciengz hoihhoengh hauxseng miz daegsaek suijbingz sang ndeu hawj lwgminz daengx guek. Youq gwnz roen moq miz najrongh caeuq loqsiengj, hawj raeuz engqgya gaenjmaed humx youq henz aen Dangj-cunghyangh aeu Siz Ginbingz dungzci guh vaedsim haenx, doxgiat baenaj, haenqrengz buekguh, cengcauh cingzcik ndei, caezcaemh vih hwnqguh aen guek ak gyauyuz, aen guek ak diyyuz caeuq Cunghvaz Minzczu fukhwng hungmbwk ok goeng-rengz.

Vaiz Cinbungz mwh gangjvah naeuz, ginggvaq saeqsim caepcawq, gaiq nduj yozcinghvei haimuq lo.



▲ 11 nyied 5 hauh, Gaiq Daih'it Daengx Guek Hagseng (Bouxcoz) Yindungvei youq Nanzningz haimuq. Couh Ginh ingi

Aen cujveijvei dingjmaenh aen aen swhsiengj sevei cujyi miz gij daegsaek Cungguek seizdaih moq Siz Ginbingz guh dazyinx, aeu "hauxseng, doxgiat, cingzgeih" guh giekdih, yienh'ok gij daegdiemj seizdaih, gij daegcaet yozcingh, gij daegsaek Gvangjsih, roengzrengz dajcauh doxdax baenz aen dieg gyaep loq bouxcoz caeuq hagseng haenqrengz buekguh, hamigvaq bonjfaenh, dajcauh baenz aen hoihhoengh hauxseng gyauyuz caeuq diyyuz yungzhab, doxdax caeuq cingzgeih caez byaij, dajcauh baenz aen bingzdaiz youqgaenj coihawj bouxcoz nyzrauh cangqheiq majhung, cienzmienh hwnghat. Muengh caezgya youq gwnz ciengz doxdax aeu ndaej cingzcik ndei, vih hwnqguh aen guek ak, minzczu fukhwng ok rengz engq hung.

20 diemj 45 faen, gozvu veijyenzei Cinz Yizginz senhbu: Cunghvaz Yinzminz Gunghozgoz Gaiq Daih'it Hagseng(Bouxcoz) Yindungvei haimuq! Daengx ciengz dopfwngz huhu.

Yindungyenz Yauz Vazli, gyaulenyenz Liuz Liyaz, caizbanyenz Gyangh Bingz faenbied daiyauj yindungyenz, gyaulenyenz, caizbanyenz senhsi.

Riengzlaeng, hainduj comzyienj vwnzdij. Comzyienj miz 《Gij Byadah Hauxseng》《Gij Rengzciep Hauxseng》《Gij Buet Vaiq Hauxseng》

sam aen biencieng caeuq satbyai 《Hauxseng Fanhbi》, aeu yindung hanghmoeg, diyyuz gyauyuz yenzsu, vwnzyi yenzsu caeuq byadah maenghndei Gvangjsih, minzczu lai yiengh, vwnzva saekhoengz, haicuengq hwnghat daengj yenzsu dox giethab ndeindi.

21 diemj 12 faen, aen yizsiz diemjdawz cujhojgi hainduj. Youq ndaw cib geij ngoenz gvaqbae neix, gij bogfeiz yozcinghvei aeu daj Hozbuj dieg hainduj ciuhgeq "diuz roen seicouz gwnz haij" neix, gonqlaeng youq daengx gih 14 aen si laeb gih cienzndenq, doeklaeng daengz Gvangjsih Dijyuz Cunghsinh cujdijyuzcangz.

Daengx Guek Hagseng (Bouxcoz) Yindungvei dwg Daengx Guek Bouxcoz Yindungvei caeuq Daengx Guek Hagseng Yindungvei gyonj daeuj baenz, dwg gij banhfap youqgaenj guh laeg diyyuz gyauyuz yungzhab. Gaiq yozcinghvei neix gungh miz 39 aen hangh hung, 805 aen hangh iq, boux yindungyenz bauqmingz camgya doxdax miz ca mbouj lai 1.8 fanh boux. Ndawde Gvangjsih ciepbanh 35 aen hangh hung, 768 aen hangh iq.

(Cinz Yizcwz Cinz Gyangz daj 《Gvangjsih Yizbau》genj aeu mbangj daeuj fanhoiz)